

Edizione diplomatica

	Bernautz del Uentadorn. LAn quan uei la fuoilla. Ios dels arbres chazer. Cui qui pes ni duoilla. Ami deu ben pla- zer. No(n) creatz quieu uoilla. Flor ni fuoilla ue- zer. Sol quen grat ma cuoilla. So quieu plus suoill auer. Cor ai que men tuoilla. Mas ies no(n) ai poder. Cades cug ma cuoilla on plus mi desesper. Estraingna nouella. Poires de mi iauzir. Qa- nt eu uei la bella. Quem solia cuillir. Qera noma pella. Nim fai uas seuenir. Lo cor ios laissella. Mi uol de dol partir. Dieus quel mo(n) cabdella. Millais delleis iauzir. Car sai sim re- uella. Noi am mais del morir. Ia per drudaria. No(n) lam que nos coue. Mas sa lei plasia. Quem]me[[1] fezes qual qe be. Qi- [1] Espunto dal copista.
--	---

	eu li iuraria. Per leis eper ma fe. Quel ben qe(m) faria. No(n) fos saubutz per me. El sieu plazer sia quieu sui en sa merce. Sil platz qe mau- sia. Queu nomen clam de re.
	Assatz ai que plaingna. Quieu pert per mo(n) orguoill. La bella co(m)paingna. El solatz cauer su- oill. Petit me gazaingna. Mos fols ardir queu cuoill. Puois uas mi se straingna. Si q(ue)u plus am euoill. Orguoill dius nos fraingna. Car em ploron miei oil. Dretz es quem soffr- aingna. Iois quieu mezeis lom tuoill.
	Als no(n) sai que dire. Mas trop fas gran folor. Car am ne desire. Del mon la bellasor. Bem fera ausire. Qui anc fez mirador. Qan ben mo consire. No(n) ai guerrier peior. Ial iorn que las mire. Ni pes de sa color. Non serai iauzire. De- llel ni desamor.
	Mais no(n) ai fiansa. En agur ni en sort. Ma bo- nesperansa. Ma confondut emort. Car tan lo- ing mi lansa. La bella cui am fort. Qan li qui- er samansa. Con sieu la uia tort. Tan nai de pe- sansa. Que totz me desconort. Mas no(n) fas sen- blansa. cades chant edeport.
	Domna mon coraige. Meillor amic quieu ai. Uos man enostage. Entro quieu torn de cai.

- letto 467 volte